



10446 ✓

嘉慶二年校刊

謙

受

堂

集

序

故太守邵思餘先生之子侍御自昌不遠數千里馳一介之使以其尊甫遺詩示余乞爲之序始雍正壬子歲思餘舉京兆試第一是歲余名亦在解中至京師遂高交焉思餘聯捷成進士有聲於時獨未覩其所爲詩也後余視學中州思餘適官斯土歷繁劇擢守桐縣時議濬池加賦思餘力持不可忤撫軍者再卒以得請中州民以是頌思餘自古循吏與文苑分傳故卓魯冀黃文采不少概見于產博物君子也善爲辭令顧未聞與周吉甫魯史克公子奚斯之儔作詩以垂後世今讀思餘之詩揮灑性靈本乎忠孝宦學所至燕趙吳楚宋衛陳鄭間山川風物悉著於篇登高能賦毛萇列於九能班固又謂登高能賦可以爲大夫若思餘者真大夫之才歟人初以不得館職爲思餘惜

序

而思餘半生親民殫心撫字猶能有所撰著以列於作者之林晚年栖遲臺驛行吟絕塞而維音和平不改故常則又有道者耶余老矣懸車十三載年過九十長思餘三歲而思餘下世二十有七年嘉侍御之請喜談疇昔似邯鄲枕上憶黃梁謀饌時釋叟叟而烝浮浮也嘉慶二年仲秋之月

子告光祿大夫

經筵講官太子太師

文華殿大學士管理國子監事務漳浦年弟蔡新拜撰

江南徐州守邵君家傳

君名大業字厚菴一字在中別號思餘姓邵氏宋康節先生後也康節孫徽猷閣待制溥秘書省校書郎博從高宗南渡家於越之會稽十世而都巡公忠遷餘姚自康節以下閱二十三世至君祖諱秉徵禮部會同館大使因父汝楫官天津遊擊遂居京師著籍爲大興人君考諱琮康熙丙子科舉人四川大竹縣知縣兩世均

贈中憲大夫河南開封府知府妣胡氏

贈恭人君爲大竹公仲子生有異稟目能於十步外辨粟米大字書再覽卽不忘爲文操紙筆立就雍正癸卯年十四補學官弟子旋餼於米廩王子領京兆榜明年以春秋魁其房君故文譽藹鬱至是益噪諸公卿爭禮致君君無所答張文和公特心

家傳

重之卒歸部爲選人君爲人強正有節概寬中和物守義達志樂清勤自刻削不習媚以有立於世今

上初元龍集丙辰初出爲黃陂令下車投訟牒者數百人君不移晷決遣立盡吏民一見問姓名後無不識者人比之張睢陽衆莫敢弄以事聽訟務以誠格不事刑威鈞致有爭產者兄弟皆頽白貌絕相類令以鏡鏡面問曰類乎曰類則進與語絕痛君亦不覺自淚下且曰吾新喪弟獨不得如爾二人白首相保也嗚咽至不能語各相視涕泣罷去縣有溪環城蛟雨溪漲崩堤囓城城壞勢且潰君卽壞處泣拜誓以殉水爲驟止拯溺粥餓完毀岸築民堤民得無以水死旱禱不應則爲文焚告城隍神雨立沛民得無以旱飢死禁民捨身於木蘭山之捨身啜民得無以愚死凡五年制府宗室德公賢之以其名

上聞會丁父憂去其服除而吏河南也權開封府同知收土惡  
木耳大王者杖殺之授禹州移睢州均治如黃陂睢頻澇君請  
糴請借請賑皆得之他郡亦得請如睢州民以不饑挑惠濟河  
以俸更直民悅立石紀之凡四年無遠近皆名君曰邵父當是  
時江南蘇州旱米價昂民告於守守告大吏不省民譁於市于  
是法譁者而奪守官民困甚乃陟君守蘇州至則盡得囤積罔  
利持價使不得平者名召集與爲家人語皆心動曰惟命則出  
酒食彩帛勞遣之價頓減民帖帖無危心君爲治篤誠信敦寬  
大絕餽遺簡酬接嚴職司清獄本終身守是道不變至是益振  
刷劬躬燾物莫不徇應松江舊獲盜膠轄互引獄無主名多痕  
斃者則以屬之君立取羣盜至則皆斷脛折踝腥穢蜚鼻君感  
然呼之曰爾輩亦人子也迫於饑寒偶一試而習爲之遂至是

家傳

猶茹刑詭詞顛倒首從誣殺非罪人且誣殺人何益於爾語未  
竟有魁然者仰首曰公猶以人類待我耶公廉正不忍欺公公  
速命吏具紙筆卽起跪呼其黨曰吾等今日結案也一日而獄  
具由是獄無不待治于君者時兼權蘇松兵備道俄而攝治藩  
司事制府黃公撫軍雅公交重君首薦部議格不行辛未今  
皇上初幸江南成憲鮮據屬君條具列上頒行之

御舟左右分兩岸挽行名蝦鬚絳君語嚮道大臣曰除道增絳  
則必毀廬舍平田塍伐桑柘梁支河塞汊港若此非所以宣  
上德意也遂改單絳黃公欲移君守江寧雅公不許黃疑君爲  
雅私人忌者乘之會積雨治吳江

帳殿基未就黃慮不及事且得罪豫以觀望劾君至則供脩咸  
具黃乃悔然卒以是左去于是君再至河南撫軍則鄂忠烈公

也先以光州待君俄而

特授開封開封民習知君而鄂公又深相愛重君謂可盡出所有以自効未幾而鄂去豫豫瀕河多灘地有陽武祥符民合控封邱史固民侵占者及清丈侵占妄而畝數則浮于額撫軍欲照欺隱加賦君持不可顧無解於數之浮考志乘及諸舊牘始知豫省地原分上中下三則自萬歷間改并中地十畝有奇完上地糧七畝下地十畝有奇完上地糧三畝畝數浮而糧不減曰得之矣陳之撫軍撫軍曰昔爲下則今則膏腴如之何不加君曰公以此爲膏腴乎是河衝淤積百姓以墳墓田廬父母妻子所易之微利奈何以爲膏腴而爭之且今可爲退灘淤地異日卽可爲沙壓水衝冬春播種夏秋之收穫未可知况此村向稱瘠苦鶉衣鳩面十室九空加以上年河決正當十三堡口門之衝屋宇未盡葺流亾未盡復議賑借苟得延命舊賦已艱復增歲額其何以堪撫軍作色曰是國計所在誰敢撓之君曰公爲國計某爲民生民生卽國計也撫軍怒甚君起趨出撫軍囑藩司富語曰吾將劾之問能當得否君曰以撫軍劾一守何云可當况某蒙

家傳

三

皇上棄瑕錄用若復被劾更不可當特不知所劾何事耳曰卽封邱事君曰如此則某當得矣富愕然君曰某被罪不過一人之身家流離失所彼桑戶樅樞蓬頭歷齒者獨非身家乎且撫軍之意不僅在此鄉將以爲中州之發端也以某一入殉千萬人何不可當之有且強行之恐與大獄富悚然問故君曰加課封邱封邱人無如何也必歸怨控者歐擊以洩忿控者必多其衛以相門門則官必禁壓禁壓不止則必逮究從此抗官聚衆

之事起矣且汲汲欲以此爲功部議亦未必卽行也不聽卒以加賦請部議試種三年乃加額次年盡沒入水事乃寢未幾以陽武工漫溢復左官于是君復至江南知六安州歲餘民戶書官清民安四字於門丁丑

駕南幸治江寧

行宮明年頰毫水利興一以委君自經始訖終事民忘其勞尋以緝盜例議降去六安初六安有祠祀明六安牧越湖公者君族之先世也君爲葺祠置祀田君去民謳思之卽祀君爲生祠引

見再還江南權知江寧府壬午

駕南幸徐州爲入境首程守數更替事多廢闕乃以君攝郡事駕至卽真授初

家傳

四

上大發帑治徐水利爲久計民免墊溺君謂疏溝濬渠功不間歲必躬必勤毋飾毋怠庶可保前勞弭後患勗已率下用是爲先務其宣洩規畫所在多有今民所號邵公河者此其一也黃河自豫直下至蘇家山折而東薄城西勢如建瓴由是而北而東環城三面水漲濤起吹地欲裂城中人仰視帆檣如在屋上驚走駭亂戶不帖席顧東北循軌直下西北則斜當其衝雖有重堤獨恃韓家山埽工爲固失固則破竹之勢成矣君按視得蘇公舊堤於城西起雲龍山迄城北月堤修約三里湮爲民居君曰此堤似無用然大堤猝潰循此南下城得免衝保障之道實在於此力請於大吏卒復其舊堤建蘇公祠置祀田夾植桃柳自爲文記之越歲韓家山工幾潰已而西門大堤又幾潰民皆恃此以無恐越二歲甲申

上命開荆山橋河大吏以君習於事令專之河成今相國高公為河帥設醮落之親酌酒以贊於君治徐七年雖間有水患而民不災無蝗害至今誦之戊子春君循例引

見還道聞訛言妖匪割辮事至卽坐是落職謫戍軍臺期未滿卒時辛卯四月九日也年六十有二

上四幸江南君皆躬遇凡

賜朝珠者一貂幣者二又

賜獎武金牌者一則以旌靈岩山救火功也

召對者三有恭紀

天語一則記

上初幸顧問語也君所至以勸學為務因黃陂二程子祠創義學葺睢州洛學書院其後莅六安徐州無不集生徒月課之得

家傳

五

其指畫者輒獲雋君事親孝為諸生以文學為養既仕以清慎勤三字為養大竹公亦忻然忘其貧也親歿卜兆形家言不利於仲伯欲改卜君曰利伯猶利仲也何害遂葬伯季並先歿愛其子逾已子嘗自笑曰此亦第五倫之用心耶在官廉俸外不名一錢削衣貶食型家訓後斬斬不少假而宗黨交戚之貧而歸君者如其家食常二千指其諸櫝死藏幽出危綿絕力靡不為之盡君謫各散去多失所者君善書尤嗜奕公暇未嘗去手晚治古文有唐法詩俊爽皆有集在塞外著讀易偶存若干卷批春秋未竟而卒皆未刻其刻者制義恒為真吾二集也君配胡氏早卒繼以其姊亦前卒均

贈中憲大夫河南河北兵備道候選州同知世安女側室施氏陸氏顧氏子男十存者九人自昌乾隆戊戌進士翰林院庶吉

士自華已卯舉人任邱縣訓導嗣季父大文後自榮候選州同知自悅昌同榜進士禮部額外主事自中自和本俱庠生自彭自巽女六人皆適士人

舊史氏曰宗室德公嘗撫其座謂君曰君學問治行皆第一當以此屬君然吾所期於君者非僅在是嗚呼此可以知君矣德公天下學者所稱德夫子者是也後嗣封爲簡親王

乾隆四十四年歲在己亥

賜進士出身

誥授奉直大夫左春坊左贊善兼翰林院檢討秀水鄭虎文謨

朝議大夫徐州府知府邵公墓誌銘

江南道監察御史邵君自昌既葬其尊人思餘府君於京師石  
景山東舊衙門口之原持狀乞予補銘其窆其宗人侍講晉涵  
又代爲之請嗚呼公吾鄉循吏也憶少時肄業吳中曾望見顏  
色老成久謝今安得有斯人哉讀其狀徵實可信乃撫其略書  
之公諱大業字厚菴一字在中又號思餘者不忘其故土也姓  
邵氏宋大儒康節先生之後南渡後有從駕至浙者遂家會稽  
又遷餘姚爲衣冠甲族曾大父汝楫官天津游擊大父秉徵禮  
部會同館大使始占籍京師爲大興人父琮康熙丙子舉人四  
川大竹縣知縣以梗直忤上官投劾歸教授子弟公少而聰悟  
能於十步外辨蠅頭書年十四補府學生試輒冠其偶與兄大  
生並以制義名噪都下大竹公雖家徒四壁見兩子文輒撫掌  
稱快以告其友張蒙山張笑曰賢子可謂以文養矣公兄以雍  
正元年登進士十年公亦舉順天鄉試第一程墨出僉謂有隆  
萬名元風度明年會試名在第五

殿試

賜進士出身於臚唱日行合香禮士林以爲美談乾隆元年選  
授湖北黃陂縣知縣剖斷詞訟案無留牘夏雨潛蛟出土中溪  
水暴漲壞城垣數十丈公肅衣冠再拜水旋止乃遣舟拯被水  
者煮糜餽之又詳請公帑修城之壞者并修城外坡岸數百丈  
其隄被衝者亦請照寓工於賑之例一體興築百姓大悅名  
其隄曰邵公隄歲大旱爲文告城隍神抱神像痛哭聞者莫不  
感動是日果得甘雨有兄弟爭產者公察其貌甚相類令持鏡  
相向曰類乎曰類因諭之曰堂上下多人獨汝二人相類豈非

同氣故耶吾新喪弟悲不自勝汝幸得白首相保乃爲此區區爭訟持此面目何以見汝親地下言已罄淚俱下訟者相顧涕泣引咎遂爲兄弟如初在縣五年政聲大著時縣令有行取之例大府薦公實心愛民才能治劇得

旨以主事注冊尋

特調引

見未及代而聞大竹公之諱徒跣奔喪哀感行路卜葬已筮日矣伯兄以形家言利於伯不利於仲欲改卜公曰術士言巨信萬一然弟願以身當之遂弗改服闋引

見命往河南以同知知州用初攝開封府軍捕同知卽捕豪猾名木耳大王者斃之杖下尋補禹州知州又調睢州州頻年苦澇而蠲緩未及公履勘得實白大府固請得緩徵又請出倉穀

墓誌銘

二

平糶假糧種民得以蘇其後河南大水鄰邑或觀望未報公循行境內招集流亾首請散賑又勸大戶出儲粟減糶州無饑民而鄰邑亦得依例給賑焉商邱令繆君某與公善而拙於催科民負欠輒墊解身後虧負纍纍莫敢代其缺者公請往郡守曰君不畏難乎公曰唯難故願往卽令公兼攝公至召集里民反覆開諭不數月而輸納足額復爲經紀其家同僚咸高其義而服其敏也擢江南蘇州府知府吳中米價苦昂公訪知商團頗多特爲牙僧所持乃悉召諸商諄切曉諭其踴躍從命者勞以酒食旌以綵帛價遂得平有吳姓爭太伯祠奉祀者公曰祖宗以天下讓而後人爭區區之祠乎叱而去之松江有盜案互相牽引累年莫得主名瘳斃者大半僅存十有八人臬司委公鞠之公視諸囚皆扶掖始行或昇以扉腥穢不堪惻然呼之曰汝

等亦人子饑寒所迫遂陷於此今已敗露猶甘受桎梏偷延殘喘但首從異坐被誣何辜汝等既殺人於生前忍復殺人於死後且殺人何益於汝語未畢有魁然者仰視曰公尚以人類相待耶今日請爲公決之卽列數某案某爲首某爲從某某或與或不與羣盜皆唯唯無異辭尋護理蘇松兵備道兼攝江蘇布政使事一時榮之公外嚴而內寬屬吏有小過常委曲成全之日人才難得安能事事求全且易一人詎必勝前人乎會天子首舉巡方之典章程甫剗公條舉事目洞中窾要便於事而無擾於民

御舟挽絳夾岸分行名曰蝦鬚而蘇城外水狹民稠議者欲撤兩岸民居以便雙行公請於嚮導得改單絳遂以爲例

車駕駐靈巖山屢

墓誌銘

三

賜克食及乳酪

回鑾時

召見行幄

天顏甚霽制府黃公素不喜公奏對時

上詢蘇守居官何似荅云邵某清廉老練微嫌欲做好人耳隨命仍往河南以直隸州用未及題補卽

特授開封府知府沿河灘地消漲無常民多爭占或訐告封印史固邨民侵灘地者委官丈量侵占不實而畝數則浮於元額中丞欲依欺隱律加賦公力持不可又徧攷舊誌始知豫省本有上中下三則明季改併中地十畝完上地糧七畝下地十畝完上地糧三畝畝數雖多糧實不減自昔然矣中丞曰昔爲下則今則膏腴若之何不加公曰河墻之地今日以爲退灘淤壤

異日即可爲沙壓水衝冬春播種夏秋之收穫未可必也且去年河決流移未復舊額已艱若更加增民何以堪中丞佛然曰國計所在誰敢撓之公曰公爲國計某爲民生民生卽國計也中丞又以危言誅公公不爲動中丞卽自以意陳奏部議試種三年後再行加額甫一歲夏潦地皆沒於水事遂寢陳橋隄當水衝勢且潰公親往督夫搶修或請少避公曰倘有失當以身徇之指揮益力隄竟無恙後以陽武口漫溢部議降調得旨命往江南以同知用借補六安州知州總督尹文端公巡撫高文端公以堪勝知府保薦又嘗委攝廬州府事

天子再舉南巡

詔大修潁亳水利大府檄公察勘形勢公往來籌畫相其高下俾來有所受去有所歸節省浮費無算其核土方稽工段雖老

墓誌銘

四

於河工者弗逮也又以承緝限滿部議鐫級

詔仍以原官留江南大吏素重公治行適徐州守缺檄攝府事

天子三幸江南

車駕至徐有

詔實授仍有朝珠貂皮內府文綺之

賜公留心水利務爲久遠之計嘗以徐城三面距河城中人視帆檣如在屋上行而蘇家山首承豫水奔騰東下直趨城西北勢如建瓴較北東兩面尤可虞因攻城西舊有蘇公隄起城南雲龍山訖城北月隄約三里許歲久湮廢喟然歎曰此隄雖若無用倘大隄有失循此隄南下城可保也乃請於上官得閒款銀若干修復之隄首建蘇公祠夾隄植桃柳爲文記之民始不樂久乃相與頌公之功其後

詔遣大臣會兩省督撫開浚荆山橋河道公奉檄董其役時高文端公爲河督工竣之日設宴親酌酒授公謂衆賓曰此役甚重吾全倚此一知府耳

車駕四巡江南

召見者再

天語褒嘉

錫賚甚渥以六年俸滿入

覲甫回任會有訛言割辮之事坐查辦不力落職赴軍臺効力在塞外與章京昆都等推誠相待靡不敬且感者暇則讀易春秋或登山遠陟可二十里鬚不加白眠食如常時僉謂涵養有素不以榮悴介意春秋六十有二未及

賜環而卒時乾隆三十六年四月九日也公自州縣及典大郡

墓誌銘

五

事上官以禮而不爲苟同苞苴之餽未嘗及門爲人排難解紛而不居其功篤於兄弟睦於宗族與人交有終始蓋幾於古之不言而躬行者初娶於胡繼室以其女弟俱候補州同知世安之女皆前卒

贈恭人葬同穴其右以側室施陸耐葬子自昌戊戌進士江南道監察御史自華己卯舉人清豐縣教諭自榮候選州同知自悅戊戌進士撫州府通判自中庠生自和丙午副榜貢生自本癸卯舉人自彭乙卯舉人自惠早卒自巽乙卯舉人女六人孫男十七人孫女九人銘曰

君夷分陝惠流甘棠召父在漢績著南陽宜爾雲仍世有循良公幼而學昕夕不懈經明行修科名拾芥政事文學一身兼備古稱守令親民之官視民如兒保抱力殫鷹鷂之鷺不如鳳鸞

水旱告沴祈禱必應感天以誠爲民請命正已率屬直道而行  
勤慎吾分温飽弗營昔人作相名滅汜郡公雖數奇休有令聞  
典型云邈餘慶長留桐鄉俎豆可以千秋鬱鬱佳城良吏之宅  
魯峻韓仁媲美在昔

賜進士出身

誥授中憲大夫

日講起居注官詹事府少詹事兼翰林院侍講學士嘉定錢大  
昕撰文

謙受堂集目錄

卷一

拾慧偶編

古今體詩三十六首

倚雲草

古今體詩二十八首

望華錄

古今體詩二十首

卷二

飼鶴吟上

古今體詩七十七首

卷三

飼鶴吟下

古今體詩五十七首

卷四

贊雁吟

古今體詩二十三首

百一編上

古今體詩五十二首

謙受堂集目錄

卷五

百一編下

古今體詩七十一首

華萼編

古今體詩四十四首

卷六

庚辰新咏

古今體詩四十九首

官閒錄

古今體詩五十四首

卷七

江上吟

古今體詩二十一首

彭門雜咏上

古今體詩四十六首

卷八

彭門雜咏中

古今體詩七十一首

卷九

彭門雜咏下

古今體詩六十二首

卷十

戊子新編

古今體詩七十九首

卷十一

秦臺賸稿

古今體詩五十五首

卷十二

序

卷十三

書

碑

記

卷十四

傳

壽序

卷十五

謙受堂集目錄

書後

祭文

墓表

墓志銘

說

引言

祭示

謙受堂集卷一

大興 邵大業 厚菴

詩一

拾慧偶編 辛酉迄戊辰

冬夜漫成

虛窗延暮光  
暗室明爐火  
木末聲奔潮  
檠張燭凝朶  
危立苦足僵  
出戶促肩鎖  
雪醞霰已先  
芒寒星欲墮  
勞鳥爭深條  
凍犬怨磊砢  
貂裘誰家兒  
珠襦作意彈  
氣暖朝開簾  
酒酣夜圍坐  
空山凌晨樵  
寒江半夜枕  
一往豈憚勞  
四體條如籤  
乃思楚纘温  
誰謂宋曝左  
吁嗟下民  
咨富人良獨哿

春日西山下作時爲先人卜地

西山儼圖畫  
春霽淨無埃  
迢遞沒雲去  
青蔥入抱來  
水流邊塞

謙受堂集卷一

合花接

帝城開獨有關  
心處牛眠荒草堆

銅雀臺

臨漳銅雀鬱  
岩堯弔古人過  
望裏遙濁水  
東西圍故國  
高臺岑寂見  
寒條龍符已兆  
歸三馬駕瓦何  
由鏤二喬  
玉竦金波零  
落盡樹頭風  
葉亂蕭蕭

冬日早發

夜半征車溯北風  
客愁無那歲寒中  
栖鳥滿眼未辭樹  
涼月半規纔出東  
林影七分塵市靜  
戍旗不動瞭臺空  
道旁却羨圍爐者  
茅屋賣漿火獨紅

大風

大風吹白日  
周道不勝寒  
瑟瑟骨爲立  
蕭蕭帶覺寬  
牛眠封未

得馬跡到俱難碌碌竟何益還家空歲闌

岳忠武祠用少陵蜀相詩韻

鐵甲金戈何處尋故宮遺像氣蕭森廟謨已就偏安局野戰空  
煩報捷音汗馬一生初誓字黃龍千載未灰心夕陽老樹悲風  
裏再拜焚香淚濕襟

過琉璃河作

王家將軍號無敵街頭擊鼓爭傳說行人指點琉璃河飄泊長  
篙三丈鐵愚人好事侈雄風捕捉傳會恣朦朧千鈞作篙信如  
此安得巨艦施其功水府蒼茫多異物徃徃鎮厭荷神力長虹  
奇怪煩支撐以此求之理則或天地之大何所無搜神誌怪徒  
虛誣六合內外不論議豈必此鐵勞追摹

讀王大若采孤鶴詩感贈

謙受堂集卷一

二

冉冉一鶴去青雲迷故岑新雛叫涼月舊侶悲空林清暖發微  
羽悵望滄江深我病却同此感歎摧丹心黃緣甫昨日新哀旋  
在  
在今雨散一何速慷慨鳴孤琴回軫不能撫泣下霑衣襟吟君  
斷腸曲渺渺懷遺音

贈河內胡明府節亭二首

少年清譽起

皇州越水吳山記昔遊早握靈珠驚下士便攜囊穎事諸侯千  
峯劍閣曾驅馬百里覃懷近叱騶一自鳧飛太行下六年棠蔭

驛亭秋

亭烏照察總如神却鼓薰風慎牧民境有陽春蝗不入政無苛

厲虎潛泥

庚申夏鄰治蝗化河內  
濁燕又有虎自踏于河

庭餘茂艸延三異獄辨飛霜徹四鄰

會鞠鞏孟灘  
案沉宛竟雪

遠路豐碑看不盡使君功德沂河津

邑中開渠堰十餘處灌  
田數萬畝邑人利之勃

碑誌  
其事

### 古釵歎

珠光剝盡苔痕蝕，隱隱土花暈深碧。雨拋塵閉不知年，春冷雕鏤鳳凰瘠。瘳擣攏拘蓮心未灰，望仙樓上臨粧臺。高髻雲拖麗人至，長檠翠倚君王來。朝復朝兮夜復夜，雙股垂垂萬金價。秋風零落荒臺基，色相分明花靨謝。蛾眉山前隋苑裏，夜半熒熒暗光起。蟬絲雀影空徘徊，多少香魂怨流水。

### 次韻家狄門兄雪中作

作賦人何在，梁園雪正豐。飛時疑化蝶，高處失征鴻。檐竹乍垂綠，山梅欲放紅。玉堂聞有禁，白戰更誰工。

### 卽事

時攝開封郡丞萬宋仙鎮地藏巷

作吏近塵市，渺然棲祇園。時得物外理，曾無人世喧。深殿伐淵

謙受堂集卷一

二

鼓石壇揚高幡，中有百尺臺。飄然臨平原，暝色延夕月。晨輝迎朝暎，林氣互明昧。山光相吐吞，往往獨登此。嗒然遂忘言。

### 蠟梅次韻家狄門兄

一派勾圓得未曾，冷然千磬疊層冰。月明林下紛紛見，獨稱禪牀不染僧。  
時萬僧寺

### 除夕同四姪自鎮作

只此斯須不到春，柏香冉冉動芳晨。一年珍重無多夜，十載風塵未定身。棠影遙分花共照，竹林乍合酒初陳。椒盤欲獻都成頽，有句酬年莫笑貧。

### 重赴地藏菴行署寄示自鎮姪

淑氣朝回春滿天，童童輿蓋倚林泉。一年蓬轉虛監郡，半榻雞栖實近禪。臘雪漸融池外水，春隄初拂柳梢烟。阿咸到此應能

賦却戀彝門醉管絃

新春憑眺

登臨渾似昨客意轉悠哉細草麥邊路春風人外臺鳥喧窺舊壘石潤吐新苔萬物有生意清謳處處來

少年行

長安少年金張侶市上逢人下馬語千金買劍不作難一諾封侯未輕許年年看徧城中花歌樓舞榭春風斜歸來鄰翁暗相笑出門又向黃公家

登禹州城樓二首

蕩蕩崇城四望中野花初颭柳梢風箕山潁水千秋在瘴雨蠻烟一騎通禹爲滇縣通會鳥影遠隨雲去住人家環築水西東風光滿眼曾來鳳爲上高臺謁次公州有黃潁川鳳皇臺

謙受堂集卷一

四

滄桑千載水聲中洞口花開幾度風大賈貴來人已幻舊陽翟郡廣

成仙去路誰通境有嵯峒具茨諸山翠微碧倚中天外芳草青連少室東此

日分符慙大郡治平空想繼吳公

和鄭八炳也太史見寄五首

風流早許白眉良太乙樓高接妙香谷口門庭新氣象雲間事業舊丹黃心澄似水清燕底潁脫如錐銳莫當一自春明乍攜手看君雲漢倬爲章

石火光中歲月飛相逢但羨錦囊肥高懷千古蘭爲佩浪跡經年緇染衣漫說我醒人盡醉也知今是昨全非茫茫去住真無那潁水東流好送歸

粗繪大布足清狂解脫天然接混茫雲翼儼隨黃鵠伴風塵浪逐紫駟行還吳有願悲張翰入洛無端笑陸郎陽翟山頭勞駐

馬滿槃冰檠與君嘗

面目真慙秘省郎石尤風攪一身藏凡胎欲換知何術仙路難  
通詎有方輒負幾年曾困阪絲牽此日又登場舊時結習消磨  
甚孤負清詞沁齒涼

紛紛談笑總天真半榻圖書証夙因調鶴詎同清白吏脫驂偏  
負棘藥人相攜花下空聯袂笑對牀間但積塵珍重蟹筐千古  
事故忘匍匐救凡民

寄詩有馬鬣終須累故人句

贈趙丈博埜四首

大雅看前輩飄然晉魏間青雲飛步迴紫塞勒名還風月採新  
咏江山冷故顏百年人望在何處不追攀  
屣脫人間屯烟霞物外情早攜江左屐長醉石園觥白眼看誰  
是青袍意獨輕只今栖息處淇岸萊陰平

謙受堂集卷一

五

日下初瞻岱春風舞勺時道尊先子畏恩洽後昆思風木霜天  
迴雲衣歲月移多君貽手澤瞻望有餘悲

十載風塵下牽絲近衛源不堪牛馬走重歎脊令原令子敷新  
雨同袍得舊溫蓬飄忻有托父執儼然存

輓家狄門兄二首

卅載名場說項斯劇憐標格最清奇幾回色變因譚史不分花  
開獨把卮壯志慣吟雙鳥賦曠懷慵展四愁詩端居早自祛塵  
網一夜西風去不疑

鴻影差池隔翠微梁園初喜賦同歸永懷兄事兼師事過眼裘  
衣夏葛衣借箸有才心獨苦脫驂無計事全非一龕穩送歸帆  
去秋雨秋風葉亂飛

答張蓋翁

楚岫曾分手秦川又賦歸幾年悵梁月今日共斜暉直道於吾  
慣忘形似爾稀萍踪天外合風雨得飯依

用工部雨中書懷忝邀許十一韻簡蓋翁

積雨連朝晦官閒幕府虛但聞人叱犢不怕釜生魚郊外迴征  
旆花前問小車芝蘭香正好望眼倚庭除

卽席送其凝十八內弟時余方悼亡

春明一爲別歲月去偏賒邂逅同尊酒淒涼對落花雨多蛙鼓  
亂雲薄雁行斜兩度東牀客空慙謝傅家

余兩娶皆爲其凝同懷

蠟梅次韻蓋翁卽送北上

隴頭人去後對爾強爲歡麗質向誰豔冰心只獨看古資生意  
滿小院雪花殘好採春明富盈盈爲破寒

過無錫口占

謙受堂集卷一

六

細雨輕烟一棹過錫山風景竟如何陰陰翠壁迷紅樹脉脉平  
田動碧波幾處垂綸依別港有人攜酒上崇阿吳門此去多盤  
錯莫歎風塵負薜蘿

倚雲草

癸酉甲戌

郭巨碑

驅馬過仁里瞻言孝子碑瘞兒心太苦將母義無私松柏鄰亭  
路冰霜歲暮時最憐鴉噪急反哺有餘悲

邯鄲和壁間韻

紛紛車馬夜衝寒轍北轅南歲欲闌大夢也知難獨醒不須依  
樣說邯鄲

趙州雜咏

秦庭還璧意何如百二強鄰睥睨餘獨愛雄才甘受屈不辭深

巷自迴車

平原豪飲客盈庭相士爭推勝也名却笑因人徒碌碌一時脫  
穎讓先生

賤息何曾極愛憐好憑兒女散烽烟長安一出重圍解始信將  
軍舌有蓮

餉奪耕耘戰奪民虎狼吞噬日紛綸豈期割地爭城日尙有臨  
軒問歲人

真定

漁陽鞞鼓動函關一曲淋鈴蜀道艱二十四城誰仗義至今清  
淚灑常山

望都

此地稱堯里名區天下聞靈符方繞電黎獻盡瞻雲郵治中天

謙受堂集卷一

七

迴明裡百代欣只今淳樸意耕鑿有餘芬

耘硯二兄晴窗校字圖詩

并序

從兄耘硯長余二十六年乾隆丙辰始相見於黃陂兄年  
蓋五十有三矣往余聞兄盛意氣廣交遊好爲高談雄論  
奇軌獨行又宥治諸家百技以及說劍馳馬呼盧陸博鬥  
雞禿狗靡不畱意余以爲放曠人也及相見容貌已成老  
翁一切都棄置惟手一編吟咏作古近體詩以自寫其意  
而所念茲者惟先人一二未竟事及祖會嘉懿惟恐失墜  
其於伯父所作情田詞尤惓惓也戊午己未間泝衡湘走  
黔南又折而自楚之越始得奉安伯父母之柩於姚江自  
是余牧豫守吳復守豫皆與偕中間垂十數年拳拳如一  
日作傳畧十餘首傳先世軼事而情田詞至癸酉春始得

付梓役竣謂余曰今而後我無事矣嗟乎人之念其先人亦有如我兄者乎情田詞寫本多魚豕兄校讐垂三閱月夜以繼日當夫寒風侵窗涼月在地童僕俱就寢嚴更蕭然而兄方吮豪濡墨句畫字讀據案無倦容此非有至性烏能爲役今所圖晴窗校字卽其事也夫萬物本乎天人不平祖我先君曩時每與小子輩言水源本本四字余小子不敢忘今兄與先君同此惴惴是可以示後昆矣圖之成豈如世人所稱行樂者哉爲之序而系以詩

我先舜江濱載卜燕山麓四世叨簪纓聚族之椽屋浮家條東西遺經付輪轂我兄瞿然思惺惺寶殘馥情田一卷詞廿載載行篋辛苦付棗梨懷懃慰晨宿羣欣簡編成誰念校讐獨片玉良足珍苦心自三復吁嗟一燈傳絕勝千簾畜寫圖示後人綿

謙受堂集卷一

八

### 綿父書讀

都門興勝寺寓居歲暮卽事疊自鎮姪韻六首

拂茵墮潤總如如過眼升沉歲月除千里蓬飛塵海遍十年萍  
轉故交疎乍膺

### 丹詔趨

龍陛却遇青陽薦

### 鳳書

帝里風光吾少長客廬還傷舊時居

臣心可許水能如作郡榮叨

再命除宦薄敢嗟身落拓

時清空愧術迂疎吳雲楚雨團團跡舊事新情咄咄書去住一  
生應已定不煩詹尹卜吾居

檮散應知壯不如少年結習未全除微詞宋玉閒情慣僵臥  
安在味疎對客喜拈奇字韻倚窗還試壁巢書暫辭塵網來  
吾土一榻平分佛子居

蒼狗白衣夢幻如茫茫人海各乘除漸雲有路飛偏慣負郭  
田計總疎感遇永懷懸榘第養生爭買灌園書舊時徒伴今  
誰在猶有貂蟬擁

帝居

重重膜退問真如爲息禪關得病除地僻不聞塵市鬧僧  
高但覺往來疎閒中雅愛敲碁客貧甚難酬乞米書

京國到來剛換歲閉門且作野人居

九十鶯花爛漫如好看殘臘送年除玉樓香暖爐烟細金  
殿松高日影疎餞歲早拚蕉葉飲宜春偏稱錦箋書風光到  
處堪追

憶打疊新詩媚獨居

謙受堂集卷一

九

甲戌元旦疊前韻三首

天保升恒日月如

彤庭鳳紀喜新除衣冠虎拜珂鳴早闈闔

龍顏扇影疎祿位久叨熊軾貴姓名還許

御屏書春風此日應先到爲近

蓬萊尺五居

雙闕雲端紉纓如乍看霽色到前除光搖綵勝簷簷花豔響入  
琉璃市氣疎

京師兒童新歲多以琉璃作喇叭沿街吹之

有客到來稱燕喜幾人朝罷

賜魚書我來好共屠蘇飲一月俄成隔歲居

長安花事正紛如一室周旋萬劫除孺子丰神偏放曠

謂徐右曹阿

咸氣味只清疎

謂自鎮

風來高閣還聞鐸日滿晴窗且校書勞客

廿年趨走慣肯因身病賦閒居

晉陵莊紹裘副貢依前韻賦贈卽酬二首

共許芝蘭氣味如相逢人意也消除文章艱苦陳言去道誼深  
醇愛網疎自有風流能脫穎却緣菽水爲傭書長安多少乘軒  
客爭認東頭陸子居

有子忘茗百不如漫邀絃管到庭除在吳郡時奉延爲兒子師清譚我愛筌蹄

妙醴酒君容管接疎洛下幾懷千里月雲間遲報八行書如珠

好語勞持贈贏得春風慰寂居

先祖墓在平臺歲癸亥予在豫中夢與住僧東岳作詩  
得起聯云霜露頻過地禪房得暫安欲續成未果越甲  
戌會以事入都省墓忽忽十二年矣因續成示東岳

霜露頻過地禪房得暫安一牀花雨靜幾樹老松寒垂事雲同

謙受堂集卷一

十

幻高僧眼獨看應憐遊宦者堂斧拜瞻難

讀先兄寄余及公弟詩愴然神傷依韻賦之

憶昔趨庭時壘篋叶堂廡怡怡弟與兄綢繆孰敢侮伯也足孺

慕能以色事父季也篤天性有懷不輕吐伯也兩題名康熙辛丑會試中式

磨勘除名再中雍正癸卯恩科進士星河濯心腑季也含暗光亭亭司馬柱伯也作

儒官南金式儀矩季也領膠庠名噪諸生譜方期交枝柯條焉

歎偃俯高標碎雷霆柔條促斤斧零落田氏花妻其行葦鼓寥

空一雁飛瘦影犯秦楚長號廢蓼莪永歎歌杖杜譬如橫海中

扁舟月亭午讀兄憶弟詩掩卷膺獨撫生離已足悲况乃死別

苦對茲兒女行紛紛涕如雨

沙河店遇風作

恒河水乾土龍喜海蜃山魘夜半語聯駢稽首馮夷官巽二鞭

龍臨曠宇雌雄合杳萬竅鳴指使青燐四圍舉須臾捲盡河中  
沙散作漫空一天雨有客犯曉落大荒羸馬不宁走且僵際此  
茫茫失昏旦十步之內千里強吁嘻噫雞亂啼陽鳥暗起光沉  
迷路有楊柳之顏色屋上鶴雀長號飢我欲飛身躡天步蹠向  
菩提乞甘露三點五點人間來塵不揚兮風返馭仰視蒼穹千  
頃素

重過邯鄲再和壁間韻

羽衣飛去白雲寒疾足追風說未闌學步學仙都學錯一般魔  
障笑邯鄲

耘研二兄七十壽四首

過眼韶華爛漫餘當前畱得舊清虛早拚身垂儕孤鶴儘把心  
情付蠹魚對影有時成獨笑蒼生隨處結吾廬只今羣季皆推

長綠髮青瞳少壯初

謙受堂集卷一

十一

六翻纜成已倦還却緣風木暗朱顏向平有願酬粗易季路傷  
貧意獨艱萬里征車驅墨瘴一杯香土穩青山遺編更念傳燈  
狂淮別支離手自刪

一生踪跡徧山河知已天涯竟若何老性到今猶倔強熱懷於  
我最婆娑寒暄幾費丹心苦

庚午歲余在蘇郡抱病  
累三月兄為廢寢食

邂逅猶煩青眼過

兄年來重聽不輕與人  
接談每遇余輒以目送

作吏廿年行役半念君瞻望陟岡多

閱遍人間富貴花獨憐孤幹足生涯閒雲流水心常共大布麤

繒氣自華一榻清疎消噩夢十吟長短醉流霞

兄有十  
吟詩集

人生七十

原珍重仁壽如兄筭正除

望華錄

甲戌

重過睢陽有作

我昔牧睢水屬在古宋州上下百餘里軒車日徵求郡伯公幹  
裔素節凌清秋同列半同學爲政爭風流奄忽八九載舊雨無  
一留驅馬昔時路父老迎道周鞠拳奉卮酒抗聲稱前休我公  
昔在比霑勞殷憂自公去茲土婦稚咸凝眸見公悲且喜公  
狀知安不言訖動顏色感歎千百儔吁嗟歲月改人事良悠悠  
甘棠竟何有憇息勞綢繆懷人旣滋戚感遇還承羞願言歲其  
有長此青盈疇

示別開封同人

一麾中土拜

君恩二十名城轍迹存報

國有心持素節牧民無術愧朱轡低回舊雨延新雨邂逅夷門  
又白門珍重離筵一杯酒莫教容易負華軒

宋州懷古

謙受堂集卷一

十二

雄城崇蕩扼雄州人物當年第一儔半壁烽烟唐刺史一園春  
雪漢諸侯文章風雅消樽酒事業蒼黃付斷流弔古客來無限  
恨且攀高柳聽鉤軛

商邱道中

暮春復行役取次問彭城楊柳道有色一桃花村外情朝暾  
含霧重小墅入林清最愛東風裏遙遙叱犢聲

永城早發

早是清和首夏時東風還復冷侵衣遙林烟起村雞亂綺陌花  
翻社燕飛春盡乍驚紅曆瘦年豐堪喜綠茵肥風光好近南州  
路看取江頭舊石磯

鄴陽

樹入沛亭路茅分相國鄉幾會稱穀辟竟免嘆弓藏雨霽花含  
潤風微麝暗香最憐清淨意繼蹟有平陽

卽事

小寺依官路蕭然三兩楹草花當砌發鐘磬入門清有客陳書  
史同僧話雨晴啜來春茗好徙倚不勝情

過宿州雙忠祠作

宿州城西官柳清桃花菜花相映明山水已入金粉地士女猶  
作齊梁聲城隅有祠鬱縹渺噪噪門前舊華表停車借問尸者  
誰云是有唐張許二公之神道吁嗟漁陽戰鼓聲逢逢颯如敗  
葉驅秋風自非睢陽樹劫妖氛遍染江淮東思明戰敗祿山  
死告廟酬庸郭與李可憐纍卵孤城中珠翠簪鋒響軍士長虹  
乍氣鐵乍肝靈旗夜捲青燐寒至今城外水幽咽終古如聞怨

賀蘭

雨後

春程新雨後平野綠於波燕重霑泥去鴉輕掠樹過曉烟凝欲  
住宿草濕偏多乍覺征衣薄侵寒客奈何

早行

東雲初破見朝暎麥浪平分四月春好是長官勤問政沿渠徧  
挿柳枝新

人家三五自成村挿棘編籬不閉門一縷炊烟纔上屋乍聽人  
語雜雞豚

垂楊千縷裊鞭絲一抹郊原入望遲山水六朝真綺麗遠青浮  
處兀雙倉

鷓鴣洲畔草芊芊陌上輕風石下泉三尺鵝溪誰寫照斷橋深

港一漁船

臨淮

臨淮山色鬱崔嵬，百雉崇城四塞開。  
商舶遠從京洛下，河聲近接大江來。  
千秋戰壘窺魚鳥，一代勳名薦鼎壘。  
多少興亡惆悵事，只宜對景覆深杯。

古意二首

迢迢秣陵雲脉脉，臨淮路遙岑浮新。  
青笏映參差樹沙汀一鷺飛，烟渚羣鷗聚。  
悠然風景佳，云胡不得住。

淮水西北來，導源自桐柏。汝南千百流，云滙茲澤東。  
去挾星河海，若以爲宅。一水識所歸，衆水無旁適。  
咄哉清流功，神明渺難索。

磨盤山

謙受堂集卷一

十四

仄徑出巔岵，峩峩復屈盤。山腰穿一一，馬跡去團團。  
怪石當人立，高雲拂袖寒。不須行蜀道，跋涉已知難。

抵浦口倉筍感作

鍾山山色自年年，踪跡天涯一線牽。  
三載不嘗江上筍，片帆重指渡頭烟。  
波流上下隨鷗鳥，人事蒼茫逐管絃。  
冠蓋只今多舊侶，使君曾繫虎邱船。

次韻袁明府保侯悼亡

讀罷新詩倍黯然，庭翻柿葉思綿綿。  
鵲橋有路曾雙渡，魚目長醒近十年。  
眼底悲歡驚破夢，箇中消息靜參禪。  
湖光一片桃花影，不向漁津更覓緣。

憇全椒白衣菴作

不見南朝四百八，蕭然留得此菴存。  
數椽茅屋近依路，一樹高

椿清映門苦愛頭陀持戒行漫勞刺史駐華軒前村見說龍岡  
在霸業蒼茫鳥正喧

謙受堂集卷一

謙受堂集卷一

十五

謙受堂集卷二

大興 邵大業 厚菴

詩二

飼鶴吟上 甲戌乙亥

抵六安境

水複山重綺陌長茅分華胄接高陽金泥玉檢龍游地楚尾吳頭虎戰場猶喜耕桑饒樂利可能風俗近羲皇使君廿載親民吏保障還思庇此方

卽事

六州官舍倚城隈退食庭前一畝開茗試旗槍千片落秀延衡霍萬峯來 署有試茗堂延秀軒山茶帶雨翻紅艷萱草迎風扇綠苔寄語二三好同伴可能無句到花臺

謙受堂集卷二

廬鳳道中口占

楚雨吳雲黯淡間山光漠漠水漫漫眼前無限驚人句一著塵纓賦便難

遊鳳陽龍興寺作

鳳陽城外草連阡弔古人過意惘然王氣已隨流水盡故宮猶倚碧山顛百年鐘鼓沉秋雨異代松楸起暮烟爲問興王布衣事斬蛇遺像一龕懸

書中乾蝴蝶八首和同年鳳陽項太守元韻呈同年廬

州趙太守暨鳳陽徐別駕

收束浮生付一編冷泠脂粉帶愁眠爲依風雅棲黃卷却悵矜孑隔翠鈿小有清虛形共幻類非人境夢俱仙支離瘦影誰堪似松月窗虛孟浩然

羅浮風雨路偏奢汗漫歸來處士家只有芸香消永晝更無芳  
艷鬪朝華覺來定識階前草夢到還生筆底花怪底尊前珍重  
甚赫蹠千片覆輕紗

傀儡春場一綫牽記曾千遠艷陽天有情詎忘穠華什作賦應  
工別恨篇一體變來原是夢雙魂飛去劇堪憐情癡道幻都成  
障好結瑤函靜裏緣

浪遊已悔少年狂底用瀾翻強註莊了徹微言真脫骨漱來芳  
潤自生香琅玕千卷耐清影燈火三更照道粧一脉清幽綠窗  
下漫勞塚上弔鴛鴦

烏絲棊几逐爬梳寂寞侯門漫曳裾過眼已成三世幻側身猶  
倚一牀書猛拚北郭身同隱不向東君更乞噓一自斂形寒餓  
裏幾回紅綻綠陰舒

謙受堂集卷一

二

曾依楚客嗅蘭蓀分得靈光照夜昏緩緩歌殘春興曲姍姍遲  
去夜歸魂晝眠好近經爲箇僮臥還參象外言若共蠹魚三會  
字坐看仙羽到仙園

身世誰甘一局輸驟然微笑得真吾遍搜花譜驅文苑長擁書  
城作畫圖聲味色香綠盡澹語言文字妙俱無箇中消息參天  
地魔道分明莫浪呼

偶邀品陶到奚囊一日閒酌一歲忙認取心香還太素肯因鬢  
戟漫雌黃比鄰風月三千首盧風二太守各有唱和花信瀾翻廿四場徐別駕得二十  
首我欲試飛還自笑對人寧改舊時狂

秋社風雨連朝同顧平壑家兄耘研賦

紛紛燕辭巢唧唧蛩避野細雨兼風來蕭然接秋社有友天一  
方適來我心寫暫許疎吏人聊復奉爾雅笑語偕弟昆歡洽競

杯竿風塵二十年此境安得假我憶大河濱同爲束帶者君才  
比驂騮我鈍羞驚馬君今賦歸來我乃屢况下榮悴亦何常去  
住偶然也請看空庭前浮雲過千瓦

登六安州城樓次顧平壑韻

露白風清暑氣收高秋人上最高樓參差萬瓦檻前出突兀數  
峯天際浮溼將勛名孤塚在境有英九江墓庭堅秩祀一龕留年年鐘鼓

成今昔穉稗忻看大有秋

和顧平壑秋雨感懷之作

秋風秋雨不勝摧有客西窗影共俱金粟飄殘香未減銅壺漏  
徹雁初來風流早自誇三絕放曠何須賦八哀珍重白衣還送  
酒不過重九莫言回

次韻顧平壑

謙受堂集卷二

三

賸有風流在兩河翩然披髮幾年過人當瘦盡還餘骨心到平  
時誓不波陶令傲來籬菊靜謝公歸後酒杯多龍眠山水真奇  
絕好共漁樵放浩歌

十年車馬各風塵轍北轅南那記巡浪跡儘隨人屯幻心香寧  
減舊時春榮枯歷盡知松柏倚伏無端笑鬼神官舍六州聊聚  
首一樽風雨對賢人

中秋御事次韻胡二十五載功

好是團圓夜秋光匝四筵桂香霑露重燈影落杯圓高唱翻元  
譜清譚逼晉詮莫辭今夕醉皓月正無邊

皖江道中

九月江南草未黃行人馬上怯新涼一天風雨重陽近滿目松  
楸客思長霜葉艷欺桃葉瘦莖花閒趁菊花忙江鄉蟹稻經秋

足好待登高一舉觴

隔林鳩婦唱玲竚細雨霏霏入杳冥湖影遠浮千頃白烟嵐微  
露一螺青漁汀水退沙痕薄鶴洞雲深石竅靈料得仙源應不  
遠勞勞空逐短長亭

送顧平壑游大梁卽用見懷元韻

高樹玲瓏照檻寒登堂曾記十分歡取憐兒女團圞好不覺饔  
殮珠桂難金石歌殘驚客至擘巢書就倚牀看秋來到處攜裙  
屐橋綠楓月皖水干

楚天纜聽雁聲秋一棹霜寒去路悠料得詩囊隨地足不緣羈  
旅對人愁舊游風景繁臺在大令聲名汴水畱平壑舊爲  
祥符令朋好相  
逢如見問爲言簿領日埋頭

和金學使海住示廣颺書院諸生元韻

謙受堂集卷一

四

奎壁耀天表冰壺懸江城嚮往積幽獨詞壇尊主盟六州庭堅  
祀風流寧盡傾微材支大厦慄慄一木輕宗工今莅止穆如春  
風行品類別良莠文字脫穿阮一時耳目改霍嶽增光明騶從  
降學舍勤勤勵修名璠璣有美質大匠勞雕黥雨露濕毛羽一  
一當蜚聲錦帆泚河水矯首瞻星卿翰藻炎素壁何異聞臯賡  
猗歎喜起會躡足三代英

寄懷胡斗一表兄西席

梁園尊酒杏花初牛馬風塵歲欲除千里情懷勞問訊一家子  
弟仗爬梳金針隱現心何苦木榻荒涼禮太疎門戶只今支健  
婦多君曾不歎權輿

寄示自昌自華

廿載浮沉宦海邊一枝今倚楚雲偏官無長物承先訓人到中

年望後賢若箇雙兒誇膝下更誰有母倚堂前秋風颯爽春風  
豔繩武爭看丙子年

長至日自茅草畝赴天馬山作

盈盈隴間麥鬱鬱山上松時覺青赴目頓忘日在冬鼻輿陟高  
嶺逕仄勢益崇倏爾立千仞襟袖披朝彤萬類感時序一陽欣  
正逢東南指天馬顯敞無蒙茸當時鳥獸鼠聊避三驅攻窮絕  
類釜底一夫何適從官吏索之急轉使迷其踪譬如張大幕罅  
隙逃織蝥至今英六間搜求廢朝饗停車問耆老奮發據赤衷  
自言本樂土荆吳東西封詩書來髦士耕鑿忘

帝庸山中百歲叟未識長吏容楚猿一朝失林木殃吾儂高樹  
猶嫩亟深淵網羅重奔走累官府徃來日憧憧恨不生啖肉搏  
擊疇敢慵言訖再拜下我懷滋益恭方今

謙受堂集卷二

五

堯舜世向治何喁喁野老陳大義窮谷聞笙鏞願爲語同輩長  
作

盛屯農

冬日行部英霍二邑口占二首

一行輿蓋入峻嶒出險升高萬象憑絕澗寒松青歷歷亂峯殘  
雪白層層玉蘆霜老空畱幹石斛風翻欲貯冰

玉蘆石斛  
皆土產

二十年

前楚語熟比鄰風景覺吾曾

九江遺蹟冷山邛雲物蒼蒼接歲週凍瀑日臨明縞帶斷藤沙  
壅露金鈎黃茅野店聞雞犬白草荒灘散馬牛正是太平無事  
日漫勞風鶴繫人愁

和金學使示賡颺諸生原韻簡周旭之院長

周君東南彥光價垂虹城龍頭同輩許牛耳當場盟我昔守吳

下耳倉神已傾避，湔水側一識萬戶輕。湔水古杰地，前徽足景行。司牧肉倉者，何來聲滿阡。自非皐比長，誰與開雙剛。經術有真宰，禮教無顯名。俗學望而禿，顏頤髡黥。蘇門昔長嘯，空山聞鳳聲。振衣立千仞，奔豸皆列卿。慙非阮籍侶，清言得再賡。君家鶯脰水，盈盈多耆英。

送徐耘視南旋二首

南國看遺老，生涯一卷書。端居真意足，獨往世情疎。白髮隨孤鳥，青燈落蠹魚。程門舊高弟，衣鉢定誰歟。

耘視爲儲六雅先生及門

千里邀絃管，春風入座遲。高譚空塵尾，陋質愧豚兒。夏屋權輿薄，醇醪氣味滋。不堪賦歸去，雲水有餘思。

立春前二日皖江道中作

楚雲層疊蔽雄關，百里蒼蒼入望間。雪隱山齋樵徑亂，沙噴溪

謙受堂集卷一

六

口鈞磯閒。臨江古木晴猶濕，攫食飛鳶去復還。一片迷茫歲寒色，却憐春近爲開顏。

酬顧九元起兼懷令兄平壑

雲水隔清姿，升堂憶昨時。地偏秋自迥，人淡菊相宜。薄醉平原酒，微吟小謝詩。怡怡數椽裏，花萼正盈輝。元方吾舊雨，冰雪照人寒。競爽誇雙絕，知心得二難。幾曾投綯紵，空想報琅玕。忽忽歲云暮，相思汴水干。

皖城除日

蘭若迥無塵，香花接令辰。雀喧知雪霽，梅綻覺時新。燈火團圍夜，江城澹蕩春。年來行役慣，隨處總宜人。

癸酉歲余以事入都，寓正陽門之興勝寺。值歲除一時，親串友朋，晨夕過從，頗不岑寂。今又改歲矣，適于役皖。

城憇三聖菴佛火依然同人隔越時易得而境屢遷懷人所不免也得十四絕句

去年今夕倚長安佛火香燈隔座看冉冉江城又辭臘再窺花雨散高壇典勝寺僧

一盃婪尾向平明有客吹簫作鳳聲別駕風流胥水畔梅花千點雪盈城王伯維

清宵咳唾灑珠圓六疊魚書憶阿咸器業丹青終有托漫因落拓歎青衫自鎮姪

南州風味璧無瑕鎮日春明醉酒家一棹西風淮水外禹王臺畔頌椒花徐右曹

駕部聲名滿帝都羽儀千仞漸雲途風流宅相吾慙舅爲問清貧得似無龔

同

謙受堂集卷二

七

螭頭載筆意如何歲晚猶聞賦玉珂偏是春風相狎甚年年桃李傍門多鄭炳也

烏衣門巷五雲端燕去堂空玉樹殘畱得清狂誇子弟都將續鼻挂高竿阮氏叔姪

二十年前接席人相逢不厭往來頻春風蕭寺聯吟夜酒債長安句有神姜秀岩

一經寒瘦校書堂有子新探桂窟香絃管千觴清興在最憐顧曲舊周郎劉敏三

秋風無路振雲翰細嚼梅花傲雪寒三尺布袍纔到盱玲瓏仙骨自珊珊李西楊

錫嘏堂前共校書璫篋清響叶庭除一時捧檄聯翩去海角天

涯秦板輿

王志賓兄弟

大雅衣冠卓不羣  
蘭陵名士最能文  
弟兄健筆都扛鼎  
三鳳聲華只待君

莊紹裘

柯爛山前不計年  
飄然落子傲神仙

奕品最高

長安捧檄今猶未可

是輸人一著先

程念倫

一病維摩歲欲殘  
君臣佐使仗誰安

精於醫

最憐辛苦瑯琊客日

日單車犯曉寒

王天柱

### 乙亥皖城元旦

南國逢元日風華拂曙新  
光澄千里雪雲麗一江春  
燕舞隨元老龍鱗想

聖人小臣殊忝竊三命荷陶甄

### 偶成

謙受堂集卷二

八

日影臨軒鳥暗窺  
佛樓高聳梵音遲  
冰痕曉破喧簷溜  
春氣宵融入硯池  
對景自斟隨量酒  
忘機不作感懷詩  
人生去住真無定  
且看江梅發滿枝

山左朱孝廉天門同寓皖城智香禪院見投長句次韻

### 酬之

支離南北幾年間  
牛馬風塵髣欲斑  
暫倚精廬爲傳舍  
却逢佳士得歡顏  
文章爾雅魁齊彥  
裙屐風流到楚蠻  
正值江城放梅日  
可容俗吏伴君閒

### 再簡朱孝廉

雪滿禪關暮鼓沉  
翩然有客下雲岑  
論詩珍重知辛苦  
布席荒涼見素心  
千古文章聊放眼  
一江風日共披襟  
人生佳會真難得  
畱待他年著意尋

同朱孝廉登大觀亭作亭有余忠宣公闕祠

亭上春風冷客衣  
夏從高處拂烟扉  
萬家井竈層城出  
千里江流一鳥飛  
大地滄桑畱斷碣  
孤忠今古送斜暉  
與君同是多情客  
倚遍冬青未忍歸

大觀亭同朱孝廉作

皖公城外皖公山  
皖公水接江水寒  
山重水復近城郭  
有亭翼然名大觀  
亭開四面拂雲起  
百尺危樓相對峙  
迴廊曲檻斜闌干  
龍文鳳篆參差是  
與客來遊春正  
新梅花競放  
雪初霽憑欄四望浩無涯  
大地蒼茫襟袖裏  
千門萬戶何離  
礎塔影倒浸青琉璃  
崇城百雉乍撲地  
四封指點如列眉  
龍山北望圍銀屏  
百子西遶相崢嶸  
雲遮雪擁衆峯隱  
兒孫羅列難指名  
長江滾滾日夜流  
上通楚蜀下揚州  
魚龍潛藏鳥影沒  
孤篷飛向青山頭

與謙受堂集卷二

九

漁歌一聲烟際發  
江南江北生離愁  
華表巍巍兀當路  
碧血青磷渺何處  
一杯黃土掩松關  
鐵馬金戈委朝露  
忠魂義骨一門間  
稟稟履聲羞危素  
我昔曾上黃鶴樓  
晴川芳草雲悠悠  
司勳顛句壓太白  
此亭寂寞安足儔  
余家將軍埋骨在  
聲價頓教增百倍  
江山不朽所見同  
斯人不朽誰其對  
江水東流山勢西江山不改  
人事移登高極目  
百感集不如飲酒還賦詩  
長揖我客云如何  
客悲且喜發高歌  
歌罷翩然揮手去  
蕭寺鐘聲颯而至

李別駕鴻遠招同丁太史鏡山夜遊二畝園卽席賦贈

鄴侯好亭榭  
秉燭夜來過  
月上半鈞早  
園開二畝多  
梅花香黯澹  
松樹影婆娑  
坐有瀛洲客  
塵容我奈何

和朱孝廉見贈四首

邂逅逢名士  
風流誰共酬  
襟懷高渤海  
才藻杜揚州  
穎自囊中

出珠從領下收蕭然書劍客聲價在諸侯

吳下衣冠著蓬瀛近作緣姓名顯桂府弦管到雲天屐引東山興琴韜單父賢看君奮鵬路吾自愧先鞭

蘭若數椽屋蕭蕭類谷第一牀分艷雪滿座市光風語妙酸鹹外詩成甘苦中飲醉渾欲醉無復引荷筒

蓮社高臺裏相邀問遠師江山同跌宕雲樹共委蛇鴻影東西路梅花南北枝相知新最好未別意先馳

正月十二夜抵練潭作

上元時節近佳氣夜飛騰一水淨于練半規光始澄村烟喧羯鼓社火雜龍燈已見豐年象何須艷五陵

桐城

天柱峯西路幾經龍眠光景最娉婷松梢遠近延清籟螺髻高

謙受堂集卷一

十

低倚翠屏雪霽平田初放麥水添村沼欲生萍歲闌曾賦迎春曲纔著東風眼便青

鑿象後于役皖城至上元始旋甫入境老稚歡迎相望於道於以見斯民愛敬之良不介而孚也喜而賦此

公歸已改歲負弩意如何爲見迎輿切翻慙曠職多豐亨原有象風雨祝時和且喜燒燈節紛紛踏月歌

早春全椒道中

春氣接年迴春光暗裏催前峯猶見雪昨夜已聞雷小鳥日邊下新泉石上來山中有道士誰贈使君醅

雨行口占

東風吹雨亂如絲雲擁輕寒四望垂到眼光長脉脉出林烟火故遲遲人依金粉江南路春入鶯花二月時一派風光描未

得便開笑口賦新詩

耘研二兄以詩集屬余校訂感賦長句

一編讐校意如何歎息鴻音犯曉多大半傷心憐骨肉幾番浪  
迹走山河羞將長物畱兒女贏得閒身傲薜蘿老去只今眞矍  
鑠一燈曾不廢吟哦

自金陵渡浦口作

沉沉鐵鎖石頭東勢入金焦氣薄空急浪怒翻千頃雪亂帆爭  
挂一天風浦城烟火懸孤堦建業樓臺遠故宮古往今來此江  
水漫勞青史弔英雄

村店偶成

茅舍通場圃蕭然不閉關短垣眠甍穩淺水泛雛閒野老負鋤  
過鄰姬汲井還相看塵慮遠况復對春山

讀耘研兄新詩有作

謙受堂集卷二

十一

校字會披廿五吟新詩讀罷更開襟最憐感遇懷人句不減嘲  
風弄月心骨瘦自畱千古在神全寧怕二毛侵吾家靈運今耆  
舊草滿池塘春又深

廬州包孝肅祠

曾拜開封郡今過淝水城千秋瞻壁立一笑想河清濟困枯魚  
泣鋤強伏鳥驚古來存直道局促愧平生

春郊偶成

二月風光拂曙齊雨餘晴散路東西烟籠遠黛青山迴影落橫  
塘翠羽低柳眼驚風吹凍葉稻根和水覆春犁官忙不管東皇  
事辜負香塵送馬蹄

漫吟

今年春令早寒氣日來偏草坵尚沾土水流已滿田寺依沙外  
靜塔近烏邊縣我憶深山裏茶畦翳綠烟

### 霍山早發

寂寞春城擁翠微春郊隱隱動朝暉碧烟滿地麥初長清露一  
天花尚稀榆火暗催寒食近溪泉新漲石鱗肥太平耕鑿渾無  
事時見山禽作隊飛

### 茶山

綠畦千片倚雲斜長養東風二月茶簇簇遠浮螺上髻團團深  
擁錦中花凌霜老葉濃於桂破凍新槍嫩放芽見說今年成摘  
早好裝黃帙獻春華

### 薄暮

深山復行役薄暮暗生香野燒照高嶺溪聲喧夕陽牛歸村舍  
晚馬入市塵忙我倦且投足春醪好獨嘗

謙受堂集卷一

十一

### 庭有玉蘭一本花時香色殊盛雨卽斂萼爲賦長句

玲瓏千朵雪凝香花信今番第幾場早向東風誇素靨却愁冷  
雨斂新妝歌殘午夜憐瑠樹舞近春簷傲玉堂十丈紅塵飛不  
到好承仙露浣衣裳

### 雙桂軒晚眺

久雨初晴日正晡溪河水漲接平蕪白沙灘上飛幽鳥綠樹枝  
頭見相鳥撫字官慙才刺史耕耘人說上農夫訟庭那便堪羅  
雀且喜山城入畫圖

謙受堂集卷三

大興 邵大業 厚菴

詩三

飼鶴吟下 乙亥丙子

自六安赴廬陽攝郡作

路指淮南帝子城蜀山山色自分明綠疇已足經旬雨碧巘初  
開一抹晴五馬前驅吾舊物雙旌旁帶吏新聲  
君恩民望都難副不獨冰心照水清

香花墩包孝肅祠

香花墩畔香花池香花池上包公祠當時名姓驚婦穉此日俎  
豆綿宗支公之生平絕無異惟有正直難干私陳書立政務大  
體煩苛瑣細非所期後世嚴憚烈於火忠厚至意無人知傳奇  
野史更可笑大類湯禹酷吏為刑名慘刻道家忌遺愛何以千  
載垂我讀公傳頗惑此我莅公里尤信之君不見香有銷時花  
有謝此祠終古無陵夷嗚呼孰若此祠終古無陵夷

獨酌

銅壺傳刻漏春雨一簾深薄飲自成醉好詩還獨吟周遭泚水  
岸縹渺蜀山岑長吏暫來此風流何處尋

二月晦日雨中作

墨雲重重撥不開大雨細雨兼風來浙浙瀝瀝互昏且窗前竹  
折階蘭摧林暗呱呱鳩婦語十日不見陽鳥起湖塘水滿足春  
耕我慮來牟頓且委霍山山頭茶正穠秦商楚客舟車從小圍  
榭子未吐萼旗槍那得堆春風 土人言石榭吐  
甲則茶出葉長帝何來一千丈盡  
掃浮雲付滄溟來朝告朔天氣新坐看晴光動虛幌

和家兄耘研雨中見懷

厭聽鳩啼樹虛占鵲噪晴烟寒沾濕重花墮捲風輕纔喜雲羅  
薄還驚礎潤生打窗聲最急入夜氣偏盈水滿東西路陰連先  
後庚麥增農父慮泥碍長官行却憶西齋迥長雷北牖明蛙聲  
牆外亂山色座間迎雨後池塘草新詩入夢清

過霍山土地嶺作

峻嶺矗雲表一逕穿巒岈竿腸八九折未半力已殫喘汗抵絕  
頂古寺橫當關皤然破衲子雪髯堆蒼顏鞠躬揖我入坐我青  
蒲團自言棲飲此忽忽週支干初來四谷暗嵐氣侵膚寒鎮日  
乏人跡但聞鳥聲歡竹柏障天宇薜蘿森戟攢怪石詫人立絕  
澗轟奔湍虎豹出覓倉往往窺牆端猿狖弄屋瓦什伯相追攀  
當晝輒閉戶悄然鐘磬閒行人腰箭過結隊猶怯單棗榛與橡

謙受堂集卷三

二

栗落實空漫漫塌來二十載人滿東西山巨木伐已盡繁草日  
以刪高嶺種秫豆深谷支門闌鳥獸終歲匿兒童深夜還廓然  
成大道時時聞征環我聞色爲喜三思復長歎方

今大同屯九有如通闔北極沈墨野南逾龍宮灘東海及西海  
風聲振愴頑礪确成沃土陵谷都改觀矧茲輻輳地近在吳楚  
間發育

帝力廣生養

朝廷寬蕃庶信可貴撫字還思艱誰非牧民者惕然勵當官

新柳

新柳逐花妍王孫相顧憐一灣春水外十里曉風前葉淺不遮  
月枝繁欲挂烟幾回贈行客入手未勝鞭

棣棠花

牆角芳塵起夕陰棗棠花發豔森森誰將瑣碎飄香粟散作玲瓏滿樹金品近三秋高士節葉雕千纈美人心小園桃李紛紛笑獨抱幽閒照素襟

朱孝廉天門見訪賦辭

江城春霽雪融時蕭寺聯吟入夜遲風雨忽來千里屐珠璣重展百篇詩纏腰未夢揚州鶴招隱還窺桂苑枝

廬州爲淮南郡時余攝字篆

別後

自慚塵盆滿漫勞裁句寫相思

三月正當三十日分賦得十字

蘭露初濃柳烟濕呢喃語燕雙雙立薰人暖氣匝三千過眼韶光剛九十來朝赤帝赫司權今夕東皇暫堪挹千金一刻儘勾畱大往小來夏竦奚及聯吟夜作送春詩顧景人攜藉草楹竹林盛蹟渺難攀花事分明近可拾座中况有朱伯元抵几掀髯向

春揖

延秀軒漫成

淖水城邊一載過庭前又見樹交柯年豐差喜民無恙訟簡居然雀可羅汲水烹茶畱活火倚窗裁句入微哦勞勞忽憶彝門事辜負香凝燕寢多

長歌贈虞山王雲亭上舍卽用見示蘇研篇元韻雲亭爲次山侍御令弟

君家伯氏雲霄姿羽毛璀璨凌天池引吭一鳴百鳥伏丹山絕頂翔長離飄然忽謝繡衣去孤枝遠寄江之湄銷聲匿采自偃仰猶有盛氣虹霓垂我昔作郡莅君土周旋與我相扶持歲月易得陳迹改淖河之畔雙鹿隨邂逅與君暫相識握手與語語益奇初從長安瞻

帝闕顧盼跌宕生威儀天矯欲共天馬驟兀岸不屑人間遺懷  
中漫滅正平刺筆底馳騁曹娥辭絕塵之品疇比似清光一片  
寒玻璃四海子由儼然在淒涼玉局心則悲嗟余落拓南北走  
吳門罷守還監彝馬羸車敝屢脫輻塵鞅汗滴空淋漓對君條  
如吸仙露泠泠未許常人窺難兄聲價倬雲漢高風亮節繼者  
誰如玉在璞劍在韞光芒輝映今於斯君昔侍奉走南徼萬里  
雙屐如鄰比氣吞洞庭八百險足躡嶺表千丈危靈蛇徑寸已  
在握紛紛絲亂手可治况復上下千萬古短檠棊几唯日攷行  
當奮身通

帝座承

恩醉酒烏簷歆明堂清廟互登薦涵泳

盛在歌淳熙回頭下視東帶者經營階闥徒嗟咨胡乃嗜癖太

謙受堂集卷三

四

殊俗貽我長絹索我詩追步聊以寄傾倒君家兄弟

邗家基

積雨數十日頃自六安赴金陵天色稍霽廬州道中得

二律用東坡新坡道中韻

舉幃又指蔣山行輿蓋忙忙叱馭聲路滑飽經三夏雨日華猶  
隱半天鉦荒村人起炊烟濕野荇花開水氣清江北人家多健  
婦蓬頭赤脚事躬耕

二月春風此郡行枝頭纔唱子規聲到門競勸迎車酒夾路喧

鳴上道鉦二月攝廬守事自笑迂疎爲政拙敢誇心跡照人清年年廩祿

真虛竊寄語兒曹亟問耕

廬州阻雨作用東坡過廬山下韻

春夏晴霽少雨氣橫江南水漲失蛙蚓路滑愁驂驪纔喜星在

戶旋苦雲興嵐敗屋委泥土窮蹙如處龕時聞破堤堰色變農  
父談龍伯太好事轉戰氣益酣安得驅若木赫然爲我戡盧陽  
暫信宿鐘磬來鄰巷同伴有奕客沉思搜淵潭相與慰岑寂懷  
安吾增慙

自廬州赴平塘喜晴一首

曉上銅鉦雨氣消一天霽色散漁樵風催玉粒香生野沙長晴  
溪水漫橋綠樹有情還帶潤青山無障獨含嬌籃輿穩送南州  
路百里平塘未覺遙

積雨垂五十日喜見朝暘有作

萬物樂和煦酷烈非所期是以趙宣孟夏日比其威積雨連晦  
朔欣然見陽羲頓忘實可畏但覺親相依始信爲治理張弛貴  
及時猛殘寬則慢徃訓良足思

謙受堂集卷三

五

王別駕伯維招飲秦淮觀國手范西屏同周春來對奕  
金粉依然六代遺秦淮樓上盍簪宜畫橋楊柳雙扳槩清簟疎  
簾一局棋染素風塵飛不到遏雲絃管自相隨主人愛客多珍  
重坐看銀河月上時

曾於蕭寺挹清芬三百思沉孰與羣前年與伯維同寓京師與勝寺嘗對奕好向邊睡

瞻小范還從細柳認將軍鴻飛雲外偏勞想柯爛山前未許聞

苦憶錢塘射潮客未能此地共微醺錢月九時游中州亦奕中高手

全椒早發用耘硯家兄見寄韻

月落西山四野空回頭初日漸曠曠晴光乍動千峯外秋氣纔

飛一葉中已見屢豐歌歲稔還聞

清問警霖洪大江南北承

恩久杼柚無煩賦大東

天語親承出

帝京六州官閣署微名一年皂蓋兼黃蓋幾度山程共水程家  
累不關升斗薄心勞贏得簿書清自慚爨下還邀賞好奏雲和  
答

盛明

初秋山行十首

清商動梧葉秋氣乍堪等霧斂碧山出烟橫綠野深竹疎纔過  
馬林靜不聞禽便覺塵囂遠悠然物外心  
千尺捫蘿薜崎嶇一逕危打頭青歷亂照眼綠蕤蚨蝶來何  
急蜻蜒去故遲秋風吹瓠葉實大正垂垂  
已屆爲霜候偏驚暑氣長赤輪猶鑠火白汗欲翻漿馬休嶙峋  
路人思邂逅涼誰家扶杖者散髮傲羲皇

謙受堂集卷二

六

古洞何年闢冷冷水氣中石涼常帶雨壁暗自生風賸屋僧瓢  
在危樓佛火空祇增人悵望無處問龐公

見說逢三白今年陰雨多水流蛙入戶草滿鹿成窠井溢翻傷  
汲沙沉益漲河只今勞版築子手竟如何  
晴雨秋來好西成亦美哉稻黃齊藉畝麻白亂成堆犬狎穿籬  
出鳧輕浴水回此間民急賦無事吏呼來

絕境塵寰外熙熙自有春迴溪藏浣婦墮石枕樵人仙草連雲  
鬪香茶雜露勺怪他厭城市風物與時新

小聚依山迴連村入望平人家雙犢健樹杪一蟬清風俗兼吳  
楚桑麻入豫京咎繇舊封地爲政易觀成

晚照屯高嶺輕陰接淺沙石欹盤屈蠖溪響逝修蛇燦爛朱桐  
子蕭疎白芟花一塵吾願受朝暮答烟霞

殘月照人起熒熒夜火闌不嗟行李困差喜井廛安斗室堪畱  
榻饑腸易授餐馳驅久已慣撫字獨思難

秋戎有事 社壇望大觀亭懷宋天門作

平明出西郭道路鬱且盤吹聲當南呂秩祀修方壇煌煌耀龍  
虎濟濟排鴛鸞石鼎薦旨潔寶鼎焚椒蘭拜獻一何肅明禋邀  
神歡龍山曉峯崒江水當秋寒回頭望高臺咫尺煙雲端山東  
有良友曾與同盤桓梅花方昨日見此芳桂丹歲月蛇赴壑聚  
散雲浮巒伊人不可見長歌思漫漫

八月初十日過顧平壑家賦寄

吾友負逸氣作吏稱循良非不遇知已鑿柄終乖張中年謝簪  
組落拓攜空囊歸來數椽屋近在龍眠岡顯榮非所戀棄置庸  
何傷所嗟食不足兒女啼東牆偃偃出門去千里謀稻粱去年  
此時節訪我澗山陽賦月得清曠對酒恣徜徉今年我來此芳  
辰值稱觴登堂拜淑慎怡然桓與光有弟揖我坐索我新詩悵  
歡然牽袂者森森蘭桂行長幼足禮意內外餘馨香但覺春滿  
室誰信瓶無糧令名以爲寶積善還餘慶廉吏固如此詎曰謀  
不臧作此寄吾友聊以慰客腸

五禽言

脫破袴脫破袴溪河水漲君無渡君若渡時持兩嬰入險出險  
鴻毛輕

提葫蘆花下醉馬繫綠楊絲衣霑紅雨賦人生百年真須臾今  
我不樂霜侵鬢

姑惡姑惡朝爲車中人暮作厨下僕堂前小姑年十五明年嫁  
作人家婦

不如歸去田園楚楚山曉日初昇溪橫霞半吐門前釣磯春生  
苔一竿高挂魚潛來

力作力作盈筐滿箔陌上柘林枯燈前蛾子遶年年五月鬻新  
絲今年春寒絲上遲

六安校士戲作二十八宿歌

鳳毛麟角何崢嶸駢肩亢首光芒生羌笛氏管羯鼓鳴仙樂一  
奏房中清卞璞出玉王心驚吳頭楚尾搜瓊瑛長箕箕揚粃糠  
輕斗石鍾金倉箱弁猗歟買牛風俗成男耕女饁髦士榮霍山  
巍峩虛映衡天柱崩男危峯撐濕濕渾水萬室平壁壘爲我颺  
新旌煌煌奎爛雲霽卿公輪借巧婁借明蕩滌腸胃開雙盲昴  
日照屋光分楹畢逋飛飛鳴向城參苓入籠陋黃精鳴背匿影  
聞新鶯古井萬丈垂深紵神謀鬼謀潛無聲驅韓役柳追西京  
星辰手摘江河傾張皇仙掌承金莖垂天之翼空中橫騏驥接  
軫趨王程

鳳陽聞田歌

鳳陽道上鳳陽歌十步五步聲同和激楚頗類秦筑起擘緩欲  
共吳棹過長安小兒好此奏節以急鼓應以鑼元宵月上踏燈  
市纏頭躡步輦雙蛾發聲駿厲近鹵莽刻劃形似輸婀娜豈如  
土人操茲土委婉折跌隨清波夏無金石相間作能使聞者悲  
來多萬事萬物有真諦輾轉則效訛傳訛蘭亭妙蹟不可見縱  
有瘦本非金科君不見廬山面目隱朝霧清景一失難追摩

至鳳陽不過同年項芝亭太守畱贈

別後相思竟若何好詩應得等身多新城曠蕩空飛鳥  
燕寢清嚴隔翠螺但聽口碑盈道路未邀樽酒話笙歌茫茫一  
時鳳郡築城甫竣

片臨淮水孤負秋風信宿過

前詩甫成芝亭適至承招飲并過我倉鱸續成三首兼懷鄭南溪明府同年

纔書花葉寄相思見說朱轡日下移握手乍逢同一笑驚心昔別已多時對君標格詩應好招我濠梁樂許知臨淮即古濠上薄暮試同橋上望遠山如畫映雙眉

回首瀛洲賦好春燈前追話感新陳茫茫屯路須臾景落落江南七八人去住渾忘前歲月清虛畱得舊精神生平不作悲秋賦証取當場現狂身

露下清宵雁影秋旅亭風景自悠悠漫誇天上星辰客且對尊前郭索侯下士蠅聲慙北里使君唵與近南樓却憐谷口同年子束帶郵亭夜未休

謙受堂集卷三

九

壽州重九是日爲葵錦三兄生辰

八公山下一鞭回却見登高令節催野水斷時魚艇落草籬深處菊花開何年雞犬飛仙去隨分盤餐送客來此會吾家誰最健紫萸今日試新醅

又懷顧平壑一首

去年此際皖江沙風雨尋君驛路斜千里好音虛白鳥一年佳節又黃花杜陵吹帽還羞髮王粲登樓苦憶家寄語離人漫惆悵好將醪酌付流霞

同明遠叔赴金陵

馬首帆前日未休流光又過菊花秋喜偕臣叔吾家彥同指江南帝子邱一路雲山迎客騎六朝風月隱江樓入門細認雙珠好一笑應消百斛愁時叔甫得驢生

初冬暮抵平塘追和夏杪一首

天高風急霧全消日落平塘見暮樵一把新茅低覆屋半溪寒  
石亂堆橋田空阡陌連山迴霜老松杉入夜驕過眼匆匆裘葛  
易欲從莊叟說逍遙

次韻龔二甥原

闔閭城下一帆迴風雨年年孰共陪飛夢總依靈隱寺論詩今  
到雨花臺低徊往事紛紛去稠疊新詩得得來宅相最憐雙壁  
好倚閭應識老懷開

贈同年夏禮谷太史二首

太乙樓前水滿池春風同折杏花枝天台有路君終到禮谷於癸  
丑成進士  
後丙辰復以博學  
鴻詞科入詞館瀛海無邊我漫窺墮溷拂茵從異路倚雲望月各  
多時相逢一笑渾如舊鬢髮驚添雪幾絲

謙受堂集卷三

十一

漢代科名北斗懸手持鐵網走珠淵孝先經笥千秋在承叔文  
章萬口傳瘴嶺蠻鄉春雨遍沅蘭湘芷惠風偏飄然竟作歸田  
賦氣味還同未遇年

丙子正月朔二日修祀福祿之神三獻甫畢盤鯉忽躍

爰命人縱之河詩紀其事

昔我先大夫齋戒治神祇焚香日弗間朔望與毋遲杯酒獻福  
祿月以為常規有言類闔闔士夫非應為先君為余言我非邀  
繁禧即此一簞豆何敢忘神貽小子凜茲訓月以年易之亦越  
歲丙子濁潔修常儀盤中一尺鯉雜香陪豐粢三獻甫告備條  
若風雲馳一躍潛伏動再躍揚鱗鱗三躍出俎豆兩目森離離  
亟命畜盆水縱之河之消生魚本活潑所喜當其時一時動觀  
聽感荷靈明垂或言錫緋吉章服當新施或言燒尾兆秋音聽

佳兒衆客揖我賀我則瞿然思先子昔提訓知足乃不危倉祿  
二十載刺史官非卑我子粗識字青雲寧遽期意者牧人夢占  
言魚衆維靈旂茲土豐年當在茲農勤歲自稔民樂官亦怡  
以此受神惠神惠寧有涯再拜忭且舞援筆爲歌詩

遣嫁袁氏甥女作

女來依舅初綽約十齡穉春風又十三車馬迎門至雙雙鳴雁  
和切切牽犬愧臨行索我詩重我別離意女本君山家乃父海  
上更父逝我姊孤姊心井水誓一星劇堪憐熒熒曙後遺女生  
多婉變不減生男貴軋軋鳴機杼朗朗誦書記宛轉隨青燈曲  
意先承志居然有令人怡怡拭雙淚一朝拜堂前牽衣紛涕泗  
母昔求乘龍恨不旦暮致閨中年復年望眼日憔悴未嫁恐愆  
期及嫁心如刺此情莫不然膝下况無二女行且莫悲女歸慎  
所事我聞邱家郎磊磊負逸氣好賡雞鳴詩助成廊廟器滌滌  
奉高堂蘋蘩謹中饋在醜無紛爭餘思逮奴廁更念履霜操祥  
覽視勿貳庶幾宜家人交口頌賢懿以此報母慈寧與顯揚異  
藹藹楚天雲佳哉我之自

丙子春假寓智香禪院懷朱天門

僧舍延春色苔痕上客衣風光前日似之子一年遑琢句飛紅  
雨投竿謁

紫微牽絲竟何處鴻雁日來稀

赴皖城偶作

廬陽山下雨漸漸荏冉流光又一年人事暗隨楊柳換春風還  
逐杏花妍莊生夢去身同幻阮肇歸來骨已仙多少升沉看不  
定欲將去住問前緣

郊行口號

青山藹藹含春華，村樹歷歷落朝鴉。  
水車軋軋鳴澗底，汾隘開徧棠梨花。  
麥漸漸兮油菜齊，前月苦雨今望霓。  
擊鼓逐祖幸相佑，吾土雖沃吾隣饑。

耘研二兄繪杏園雙蝶圖爲兩兒取兆屬賦

滿林春豔曲江頭，  
蛺蝶雙雙點勝遊。  
新粉乍盈紅雨膩，  
舊枝重綻彩衣浮。  
香飛二月開青瑣，  
舞近千門認畫樓。  
若個寫生兼寫意，  
竹林珍重賦瀛洲。

謙受堂集卷三

